



პოლიტიკური გაერთიანება „ახალი ქრისტიან-დემოკრატები.“

Political Union "New Christian-Democrats."

საქართველო, თბილისი, 0179, ტაშკენტის ქ. N52 ტელ: 597 20 72 72.

Georgia, Tbilisi. 0179. Tashkentis st. N 52. Mob: 597 20 72 72. Mail :axaliqristian-demokratebi@outlook.com

N 02

..14 თებერვალი. 2022 წ.

საქართველოს სახელმწიფო აუდიტის სამსახურის
პარტიების ფინანსური მონიტორინგის სამსახურის
უფროსს ბატონ ბესიკ ქოჩიაშვილს

ბატონო ბესიკ,

სახელმწიფო აუდიტის სამსახურის გენერალური აუდიტორის 2021 წლის 5 აგვისტოს # 012036/21 ბრძანების მე-13 მუხლის მოთხოვნათა გათვალისწინებით, წარმოგიდგენთ 2021 წლის 01 იანვრიდან 2021 წლის 31 დეკემბრის ჩათვლით პერიოდზე პოლიტიკურ გაერთიანება „ახალი ქრისტიან დემოკრატები“ს ფინანსური მოძრაობის დეკლარაციის შესახებ აუდიტის დასკვნას.

დანართი: 3 ფურცელი

პატივისცემით

ახალი ქრისტიან-დემოკრატების თავჯდომარის
ფინანსური მენეჯერი
გრიგოლ ჯოჯუა



აუდიტორული დასკვნა
ა(ა)იპ „ახალი ქრისტიან-დემოკრატების“ 2021 წლის
ფინანსური ანგარიშის შესახებ

ანგარიში მომზადებულია ა(ა)იპ „ახალ ქრისტიან-დემოკრატებსა“ (შემდგომში - „პარტია“) და აუდიტურ კომპანია „კომპაუდს“ (შემდგომში - აუდიტური კომპანია) შორის 2022 წლის 01 თებერვალს გაფორმებული №07-ა ხელშეკრულების შესაბამისად. ხელშეკრულება ითვალისწინებდა სახელმწიფო აუდიტის სამსახურის გენერალური აუდიტორის 2016 წლის 5 მაისის №2915/21 ბრძანების („პოლიტიკური ფინანსების გამჭვირვალობასთან დაკავშირებული ზოგიერთი საკითხის მოწესრიგების შესახებ“) მოთხოვნით შედგენილი, „პარტიის“ 2021 წლის ანგარიშგების (თანდართული ფორმებით) აუდიტს.

„პარტია“ რეგისტრირებულია სსიპ საჯარო რეესტრის ეროვნული სააგენტოს მიერ 2016 წლის 26 ივლისს და მინიჭებული აქვს საიდენტიფიკაციო ნომერი - 415030068.

ხელმძღვანელობის პასუხისმგებლობა ფინანსურ
ანგარიშგებასთან დაკავშირებით

„პარტიის“ ხელმძღვანელობა პასუხისმგებელია ფინანსური ანგარიშის მომზადებასა და მის წარდგენაზე - რაც უნდა შესაბამებოდეს „პოლიტიკური ფინანსების გამჭვირვალობასთან დაკავშირებული ზოგიერთი საკითხის მოწესრიგების შესახებ“ სახელმწიფო აუდიტის სამსახურის გენერალური აუდიტორის 2016 წლის 5 მაისის №2915/21 ბრძანებით დამტკიცებულ ფინანსური ანგარიშის ფორმებისა და მათი შევსების წესს და სხვა ნორმატიული აქტებით დადგენილ ბუღალტრული აღრიცხვის ეროვნული სტანდარტის მოთხოვნებს. აღნიშნული პასუხისმგებლობა მოიცავს შიდა კონტროლის სისტემის შემუშავებას, დანერგვასა და შენარჩუნებას, რაც საჭიროა ისეთი ბუღალტრული ანგარიშგების მომზადებისა და წარდგენისათვის, რომელიც არ შეიცავს შეცდომით ან განზრახ არამართლზომიერი ქმედებით (თაღლითობით) გამოწვეულ არსებით უზუსტობას. მითითებული პასუხისმგებლობა მოიცავს აგრეთვე,

ბუღალტრული აღრიცხვის შესაფერისი პოლიტიკის შერჩევასა და დანერგვას, ასევე შესაბამისის და დასაბუთებული ბუღალტრული შეფასების გაკეთებას.

აუდიტორის პასუხისმგებლობა

აუდიტორი კომპანიის პასუხისმგებლობაა, აუდიტორული მტკიცებულებების საფუძველზე გამოთქვას მოსაზრება წარმოდგენილ ფინანსურ ანგარიშზე. აუდიტი წარიმართა საერთაშორისო სტანდარტების შესაბამისად. აღნიშნული სტანდარტებით მოითხოვება აუდიტორების მიერ ეთიკის მოთხოვნების დაცვა, აუდიტის დაგეგმვა და წარმართვა იმგვარად, რომ მიღებულ იქნას გონივრული რწმუნება იმის შესახებ, შეიცავს თუ არა წარმოდგენილი ანგარიშგება არსებით უზუსტობას. აუდიტი ითვალისწინებს პროცედურების ჩატარებას აუდიტორული მტკიცებულებების მოსაპოვებლად ბუღალტრულ ანგარიშგებაში ასახული თანხების შესახებ. პროცედურები შეირჩევა აუდიტორის განსჯის საფუძველზე, რაც მოიცავს ბუღალტრული ანგარიშგების არსებითი უზუსტობების რისკების შეფასებას, რომლებიც გამოწვეულია თაღლითობით ან შეცდომით. ამ რისკების შეფასების დროს, აუდიტორი განსაზღვრავს შესაფერისია თუ არა შიდა კონტროლი უტყუარი ბუღალტრული ანგარიშგების მომზადებისათვის. შიდა კონტროლის შეფასება მიზნად ისახავს მოცემული გარემოებების შესაფერისი აუდიტორული პროცედურების დაგეგმვას და არა შიდა კონტროლის ეფექტიანობაზე მოსაზრების გამოთქმას. აუდიტი აგრეთვე გულისხმობს ხელმძღვანელობის მიერ გამოყენებული სააღრიცხვო პოლიტიკისა და მნიშვნელოვანი სააღრიცხვო შეფასებების მართებულობის შეფასებას, ასევე მთლიანად ბუღალტრული ანგარიშგების წარდგენის შეფასებას. აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში.

ჩვენს მიერ მოპოვებული აუდიტორული მტკიცებულებები საკმარისი და შესაფერისი საფუძველია აუდიტორული მოსაზრების გამოსათქმელად.

მიგვაჩნია, რომ აუდიტის მსვლელობისას მოპოვებული აუდიტორული მტკიცებულებები საკმარის საფუძველს წარმოადგენს დასკვნის გასაცემად.

დასკვნითი აზრები

ჩვენი აზრით, ა(ა)იპ „ახალი ქრისტიან-დემოკრატების“ მიერ მიერ წარმოდგენილი 2021 წლის 1 იანვრიდან 2021 წლის 31 დეკემბრამდე პერიოდის (ჩათვლით) ფინანსური ანგარიშგება არ შეიცავს არსებით უზუსტობებს და უტყუარად და სამართლიანად ასახავს „პარტიის“ ფინანსურ მდგომარეობას, რომელიც მომზადებულია „პოლიტიკური ფინანსების გამჭვირვალობასთან დაკავშირებული ზოგიერთი საკითხის მოწესრიგების

შესახებ“ სახელმწიფო აუდიტის სამსახურის გენერალური აუდიტორის 2016 წლის 5 მაისის №2915/21 ბრძანების მოთხოვნათა დაცვით.

აუდიტური კომპანია „კომპაუდი“
დირექტორის მინდობილი პირი,
აუდიტორ-პარტნიორი,
(სერტიფიკატი: საჯარო სექტორში
№0299, Saras-A-859265)
ნ. ხიჯაკაძე



Handwritten signature of N. Khizhakhidze.